

II i  
2406

Historia vom be-  
kenntnis vnd Leiden/  
zweier Martyrer zu  
Mecheln/ in Bra-  
wand ver-  
brandt.

im October Anno  
1555.

27



Handwritten text, likely bleed-through from the reverse side of the page. The text is faint and difficult to decipher but appears to include several lines of script.

Handwritten text, possibly a name or title, appearing as bleed-through from the reverse side.

1777



Historia vom bekentnis  
vnd leiden zweier Martyrer  
zu Mecheln.



ANO M. D. L. V. im  
Octobri in der Stadt Mecheln  
in Brabant / hat der Pastor zu  
Sanct Catharina erfordert eis  
nen Doctor von Löuen / ges  
nandt / Roard Tappir von Enckhusen / vnd  
etliche mehr / vnd etliche Personen angegeben /  
als widerwertig der Römischen Kirchen /  
Dieselbigen Personen als nemlich zween Brü  
der / Franciscum This / welcher der Elter  
gewesen ist / vnd Nicolaum This / sampt irer  
Mutter Cornelia / vnd noch einen jüngern  
Son / hat der Doctor Roard lassen in den  
Kercker führen / dahin sind Doctor Roard  
vnd seine Mönche zu den jungen gesellen ganz  
gen / vnd haben sie im Kercker Examiniert /  
wie folget.

Frage.

Saget vns / sprachten die Gelerten / mit mehr  
andern Mönchen vnd Pfaffen / in beywes  
sen der weltlichen Oberkeit / Was jr gleubet ?

Antwort.

Wir gleuben alles was in dem alten vnd  
newen Testament geschrieben stehet.

A ij

Frage.

Frage.

Wer hat euch das alte vnd newe Testa-  
ment geleret?

Antwort.

Wir habens gelesen / vnd in Deudschland  
gehöret vnd Gottes einsetzung gesehen / vnd  
der heilige Geist hat das gedeien gegeben.

Frage.

Was halt jr denn vom Sacrament?

Antwort.

Wir halten vnd gleuben / wenn es vns ge-  
geben vnd gereicht wird / in beiderley gestalt  
nach der einsetzung Christi / wie vns die drey  
Euangelisten klar beschreiben / vnd S. Pau-  
lus erholet / das wir empfangen den Leib vnd  
das Blut vnser HErrn Ihesu Christi.

Frage.

Was halt jr den von vnserm Sacrament /  
das man in der Procession umbher treget?

Antwort.

Von dem das jr umbher traget / da halten  
wir nichts von.

Frage.

Ist denn Gott nicht in dem Ciborio / wenn  
das Wort gesprochen ist?

Antwort.

Nein / Gott ist in alle seinen wercken / Er wo-  
net nicht in Tempeln von Menschen henden  
gemacht /

gemacht / vnd der Herr Christus machet vns  
seine gliedmaß in der niessung / vñ wil bey vns  
bleiben / wie er spricht / Bleibet in mir / so wil  
ich in euch bleiben.

Frage.

Wo wohnet denn Gott?

Antwort.

Der Himel ist sein stuel / vnd die Erde die  
banck seiner füsse . Darauff der Schulthes  
antwort / so mus ewer Gott lange bein haben /  
Darumb in diese gefangene hernachmals vor  
der Oberkeit straffeten.

Frage.

Was halt jr denn von der Beicht / vnd Ab-  
solution des Priestes / glenbet jr nicht das er  
die macht habe die sünden zuuergeben / oder zu  
behalten in der Beicht?

Antwort.

Nein / Denn Christus spricht / Kompt her  
alle zu mir die jr beladen seid / Ich wil euch er-  
lösen / vnd ist das jemand sündiget / so haben  
wir einen getrewen vorsprecher für dem Va-  
ter / Er ist Ihesus Christus / sagt S. Johan-  
nes.

Frage.

Seid jr nicht Widerteußer?

Antwort.

Was fecht jr vns an / wir sind ein mal in  
vnsrer jugent getaufft / damit sind wir zu frie-  
den / vnd wollen allein durch den glauben an  
Ihesum Christum selig werden.

A iij

Darumb

Darauff die Papisten antworteten / das ist  
gut / aber jr begert wol das Maria die wirdi-  
ge Mutter Gottes vnd alle Gottes lieben heil-  
ligen für euch bitten / begert jr das nicht ?

Antwort.

Christus ist die thür / wer durch in nicht ein-  
gehet / der ist ein Dieb vnd Mörder / er ist der  
Weinstock / wir sind die Reben / wer in im kein  
frucht bringet / der wird abgeschnitten.

Frage.

Was sagt jr denn von dem anbeten der  
Heiligen / mit Kerzen vnd anderen Einsetzung-  
gen ?

Antwort.

Das ist alles Abgötterey.

Frage.

Die guten Menschen / die hie nicht volko-  
menheit / oder sauber von sünden gescheiden  
sind / glaubet jr nicht das man die mit gebete /  
vigilien / vnd messen erlösen mag / aus der pein  
des fegfews. Darauff der elteste antwor-  
tet / Ich finde in der heiligen Schrift von kei-  
nem fegfew / kündt jr mirs aber mit der heili-  
gen Schrift beweisen / das ein fegfew ist / so  
wil ichs glauben / welches die Gelehrten zu thun  
gelobt haben. Da sie aber zu dem jüngsten  
bruder kamen / denn sie besonder Examinirt  
sind worden / sprach er ernstlich / was kumpt jr  
her

her/ewer brillen zuner Kauffen / jr losen Hypocriten gehet von hinne / vnd last mich mit frieden / Ich wil bey Gottes wort leben vnd sterben.

Darnach sind sie auff ein ander zeit wider zu dem eltesten komen / vnd haben gesaget/ Mit euch ist gut zu handeln/ sagt vns ob wir mittel fünden euch heraus loss zu kriegen / solt jr nicht wollen einen vmbweg gehen / Da antwortet der elteste bruder zorniglich vñ sprach/ gehet weg jr verführer/ wenn jr mir das thun wolt/so führet mich lieber von hinne/vnd stellet mich lebendig an einen stock vnd verbrenndt mich.

Da nu die Geerten an jnen aber nichts kunden gewinnē/ so haben sie es für den Rath lassen komen/vnd ire Artikel wie hie forne vermeldet/jnen vorgehalten/vnd gefraget/ob sie hie von nicht abweichen wolten / darauff sie geantwortet haben / Nein wir/oder jr müisset vns anders beweisen / Da sprachen die Geerten zu dem Rath/ Meine Herrn/ dieweil diese verfürten an alle diese puncten vnd auch an das Fegfeyr nicht gleuben / da alle Geerten eintrechtiglichen von halten / vnd gleuben / So schneiden wir sie abe / vnd thun sie in den Bann / Darauff der Schulthes antwortet/ so sind sie jetzt keine Bürger mehr / Ich wil sie auff

auff die peenbanck legen/welchs geschach/wie  
wol das zwitteracht war / zwischen dem Bür  
gemeister / So ist es doch consentirt worden/  
vnd sind den andern tag auff die peenbanck ge  
leget worden / vnd da der elteste darauff lag/  
sprach die Gelerten zu jm / Ir wolt vns alle  
mit abentheur vnd doppelzungen zu frieden  
stellen / Wir wollen euch jezund wol anders  
machen sprechen / vnd in die Römische Kirche  
machen glenben.

Darauff der elteste antwortet / Ich habe  
nicht doppel gesprochen / Ich habe alles mit  
Gottes wort gesprochen / also hat er fort die  
pein gelidten / Darbey stund der jüngste Bru  
der vnd sprach / Das ist war vnd gut / auch  
warhafftig das mein Bruder sagt / da er also  
sein Bekendtnis gethan hatte / sprach der jün  
gste / Darbey wil Ich auch leben vnd sterben/  
Die Herrn mit den Gelerten sahen die vner  
schrockenheit von dem jüngsten / vnd höreten  
seine wort / giengen zusamen / vnd da sie wider  
kamen / sagten sie zu inen / Ir müßt vns sagen/  
wer ewer Meister oder Gesellschaft ist : Da  
antworten sie / Vnd wenn jr vns schon ein  
glied von dem andern zihet / so kennen wir nie  
mand / denn vnser Gewissen / oder conscientia /  
Vnd wir sagen noch / das wirs in Deudtsch  
landt gesehen vnd gehöret haben / vnd wir ha  
bers



bens gesehen / aber Gott hat den verstand  
vnd das gedeien gegeben.

Vnd kurtz darnach haben inen die gelerten  
ire Artikel vnd bekentnis vor dem Gericht für-  
gehalten / darbey sie standthafftig geblieben  
sind / also sind sie als Ketzer verurtheilet / vnd  
in des Schulthes handt gegeben worden.  
Da nu der Schulthes den Sententz von dem  
Bischoff von Camerriich bekommen / hat er offt  
zu inen gesagt / Nemet einen Beichtuater / den  
morgen wil ich Recht vber euch thun / Da ha-  
ben sie alweg geantwort / vnser Beichtuater ist  
Christus / der ist allezeit bey vns / wenn jr wolt  
so sind wir bereit. Zum letzten / hat sie der  
Schulthes für die Herrn thun kummen / vnd  
als sie aus dem gefengnis giengen / sprach der  
eine / lieber Bruder / se y nu gutes muts / wir ha-  
ben einen getrewen Hirten / das ist Ihesus  
Christus / der vns fürgegangen ist / dem wol-  
len wir getrewlich folgen / mit mehr andern  
worten / wer lang da von zu schreiben.

Da sie nu aber vor den Herrn stunden / hat  
der Schulthes das Vrteil von den Scheppen  
gefordert / vnd gesaget / Diese hertneckische  
Ketzer / Franz vnd Nicolaus Thiss / da hat  
der jüngste gesaget / Bruder sprich / der ander  
sprach /

B

sprach /

sprach/bruder spricht jr/da sprach der jüngste  
vnerschrocklich/Meine lieben bürger/wir sind  
keine Kezer/wir glauben all an einen Gott/vñ  
also fortan ic. Darauff der Schulthes sprach/  
schweiget/jr seid Kezer/da sprachen sie/Nein/  
wir mügen nicht schweigen / es ist Gots  
tes kressstigs wort / es mus gesaget sein / Da  
sprach der Schultes/schweiget/jr habt genug  
von einem bösen Samen geseet/Nein / sagten  
sie/ Es ist kein böser Samen / wir halten vns  
an Gottes wort / vnd Apostolische Lere / Da  
sprach der Schulthes/ich hab genug vmb euch  
gethan/ich habe viel gelerte an euch gesandt/  
die euch gerne von ewer Teuffelischen Lere ge-  
bracht hetten/Da antworten sie / Nein/sie has-  
ben vns nicht vff den rechten weg wollen füh-  
ren/sondern von Christo / den Teuffel / holtz  
vnd stein anzubeten/Da sprach der Schultes/  
schweiget/jr habt genug ewers Teuffels samen  
geseet.

Darauff der jüngste antwortet / ja ewer  
Bapst/mit ewern Pfaffen/die sind bey nacht  
komen/vñ haben jr vnkraut vnter den weizen  
geseet/wie der Teuffel/Matth. am 13. Cap.

Darnach hat man ire Artikel offenbar ge-  
lesen/nicht allweg der wort irer bekentnis dar-  
bey/da solches nu gelesen war/sind die Schep-  
pen

pen auff eine seit gegangen / da redeten die zwey  
ne brüder mit einander / das mocht der Schul  
thes nicht leiden vnd sprach / Schweiget / wir ha  
ben hie keine Predigt zu thun / wenn wir das  
hören wollen / so gehen wir in vnser Kirchen /  
Da sprachen sie / wir reden von Christo / vnd  
ir kennet Christum nicht / Aber der Papst mit  
seinen Pfaffen / das ist ewer Christus / Denn ir  
spracht / da ir kempt vns zuzufangen / das ir Chris  
tum nicht kennet / das wist ir wol / denn ir ha  
bet Gott gespott / da wir sagten / Der Him  
mel ist sein stuel / vnd die Erde die bancf seiner  
füsse / da sprach ir / das vnser Gott lange beitt  
hette / das keine wort sind von einem Richter /  
Denn Gott lest mit im nicht spotten / Schweiget  
sprach der Schulthes / denn ir seid falsche vnd  
verbandte Ketzer / Da sprachen sie / also sagten  
die Phariseer zu Christo auch / sollen wir besser  
sein / denn er oder seine Aposteln / Der Schul  
thes ruffet / nemet einen stein / vnd stecket inen  
den in den mundt / darauff der jüngste sprach /  
Ja Herr / so solt ir vns thun wie ewre Vor  
fodern vnserm Bruder / Johann gethan ha  
ben vor 17. jaren / welcher auch vmb der  
warheit willen verbrandt ist worden. Dar  
auff der Schulthes sprach / euch sol nicht min  
der geschehen / vnd da man alle diese Artikel  
gelesen hatte / vnd wenn sie was sprechen wol  
ten /

B ij ten /

ten/so wolt es der Schulthes nicht haben/vñ  
sprach/ir seid vnd bleibet eigensinnige Ketzer/  
Die gelerten haben euch viel anders bewiesen/  
aber ir bleibet verhartet.

Darauff sie antworten/ja Herr/sie habens  
gesagt/aber nicht gethan / das sie vns anders  
beweisen wolten / aber sie haben vns auff ein  
peinbancf gelegt/ vnd haben vns gewaltiglich  
wollen machen glauben / in die Römische  
Kirchen/die des Teuffels vnd falsch ist/so sagt  
der Schulthes / spielet nu ewer spiel / ich wil  
nach mittag auch mit euch spielen/ Da antwor  
ten sie/Ja Herr/wenn es euch gefelt / vnd also  
sind sie zum fewer verurteilet worden/ vnd da  
sie vom Radhause kamen/da sang der jüngeste  
ein Geistlich lied/ da hetten sie gerne ire Mut  
ter in dem gefengnis vmb vergebung gebeten/  
vnd vñ ir vrlaub genomē/ aber der Schulthes  
sprach/ Ir habt meinen willen nicht gethan/  
so wil ich ewern willen auch nicht thun / vnd  
nach mittag vmb drey vhren / ist der Schul  
thes zum Gericht gekommen / vnd da er an die  
gefengnis gekommen ist / da fraget er / ob sie ge  
beicht hetten/ so wil ich sie verbrennen/ wie die  
hunde/ vnd er lies inen runde kugel in von holtz  
gedrehet / in den mund thun / vnd also hin  
weck führen / Da sie aber nu an dem Pfal ges  
bunden.

bunden stunden / haben sie es etlich mal aus dem munde krieget / es wurde jnen aber wider hienein gethan / aber der jüngste brachte es wider heraus / vnd sprach / Herr Schulthes / thut vns so viel gnade / vnd last vns das aus dem munde / das einer den andern trösten mag / das in der Schulthes erlaubet vnd consentirt / vnd lies es dem andern auch aus dem munde thun / denn sie waren jnen hinter den köpffen zu gebunden / Da sprach der jüngste Bruder / O lieber Bruder / las vns jetzt ritterlich vnd freudiglich streiten / in dem HErrn / vnd lass vns im ein lobesang singen / vnd da haben sie gesungen. Wir glauben all an einen Gott / vnd der jüngste bruder sprach / Bruder sprecht vnd singet laut / vnd da sie ausgesungen hatten / da haben sie den Herrn Schultessen umb gnade gebeten / darauff der Schulthes sprach / Ja es ist jezund wol zeit / nu jr da stehet / ja Herr es ist war / sprach der jüngste / wir stehen hier auff vnserm Herrn Christo / vnd jr sagt / jr kent Christum nicht / der euch vnd vns alle vrteilen sol / Ja ja / sagt der Schulthes / also ist das feur angegangen / vnd da es anfieng zu brennen / vnd an den jüngsten kam / da sprach er / O Bruder streit nu ein wenig / es sol hier bald gethan sein / vnd wie der jüngste den HErrn gelobt hat / hat er sich mit dem angesichts

B ij

icht gewaltiglich ins feur geferet / da in d er  
bard weg brand / da sprach er / das haben viel  
leute gehöret / O Herr / das ist ein kleine pein /  
für die ewig glori / vnd als bald ist er gestor  
ben / aber der elteste lebet viel lenger / vñ sprach  
lange zeit im feur / vnd badt Gott für seine feind  
de / vnd starb darnach auch / vnd sind zu aschen  
verbrandt / vnd da man sie nicht bey dem tag  
verbrennen kundte / hat man in das fleisch mit  
schauffeln von den beinen gestossen / vnd wis  
der ins feur geworffen / vnd se hertz sprang  
gantz aus irem Leibe / das haben sie mit einer  
schauffeln ins feur gehalten / vnd wider hie  
nein geworffen / vnd se Bein in stücken gestos  
sen / vnd das nicht verbrennen wolt / haben sie  
ins wasser geworffen / vnd für neun gülden  
holz darzu verbrandt. Gott wolle alle die sei  
nen / in einem auffrichtigen glauben bewaren /  
vnd alle blinden sehend machen.

Anno 1555. den 23. December.  
nach mittag / zu drey vhren sind diese lebend  
verbrandt worden / zu Mecheln in Brabant.


Dieser obgenandten Martyrer Mutter /  
heist Cornelia / sitzt noch gefangen / sampt einem  
Son / vnd Tochter / Ir Man Andreas This  
sen / ist für etlichen jaren / des glaubens hal  
ben / in Engelandt gewichen / vnd daselbs ge  
storben. Es sind in diesem jare zu Dorneck vnd  
sonst hin vnd wider in diesen Landen gleicher  
gestalt

gestalt seer viel verbrand vnd vmbbracht wor  
den / Der Allmechtige Gott wölle mit guaden  
darein sehen / Amen.

Diese vnd dergleichen / Historien sollen alle Gotts  
fürchtige menschen vleissig betrachten / vnd fürnem  
lich dieses dabey bedencken / Dieweil die Bepflichen  
sich seer schmücken mit diesem heiligen namen / Kirche /  
vnd haben keinen bessern schild / denn diesen falschen  
rhum / das sie sich die Kirchen nennen / So sollen die  
Gottfürchtigen dagegen dieses Argument setzen.  
Vnmöglich ist / das die Kirche Gottes / sey dieses  
Schlangen gezüchte / dabey diese zwey ding sind / Got  
teslesterung in bestetigung offentlicher vnd erkandter  
warheit / vnd die bekennen der warheit ermorden / Den  
solches sind die zwey wercke der Teuffel von anfang /  
Nu beweisen diese vnd dergleichen Historien offent  
lich / das die Bepfliche Pfaffen vnd Mönche vnd je  
anhang offentliche vnd erkandte warheit mit morden /  
verfolgen. Darumb ist vnmöglich / das sie Christlis  
che Kirche sind / Es rhümen Polus / Canisius / Roard /  
vnd Staphylus was sie wollen. Derhalben sollen  
Gottfürchtige menschen die reine Lere des Euangelij  
lernen vnd lieben / Gott dancken / das sie nicht der Bep  
flichen anhenger sind / sondern sind gliedmass der war  
hafftigen Kirchen Gottes / vnd sollen in dieser war  
hafftigen Kirchen / da rechte lere ist / Gott in erkentnis  
des HErrn Christi anruffen vnd wissen / das Gott in  
diesem armen heufflin wohnet / erhört vnd seligkeit gi  
bet / wie der HErr Christus spricht / Wo  
zween oder drey in meinem Namen  
versamlet sind / bey diesen  
bin Ich.







Inches

Centimetres

Blue

Cyan

Green

Yellow

Red

Magenta

White

3/Color

Black

Farbkarte #13

B.I.G.

II i  
2406

vom be

nd Leiden /  
artyrer zu  
n/ in Bra  
o ver  
ndt.

ber Anno  
55.

BIOTHECA  
KAVLANA

UNIVERSITÄTS-BIBLIOTHEK  
HALLE  
(SAALE)

